

Wolf-Rosenstein

I.

Lanqan li jorn son lonc en mai
m?es bels doutz chans d?auzels de loing,
e qan me sui partitz de lai,
remembra·m d?un?amor de loing:
vau de talan embroncs e clis,
si que chans ni flors d?albespis
no·m platz plus que l?iverss gelatz.

II.

Ben tenc lo Seignor per verai
per q?ieu veirai l?amor de loing,
mas per un ben qe m?en eschai
n?ai dos mals, car tant m?es de loing;
ai! car me fos lai pelleris,
si que mos fustz e mos tapis
fos pels sieus bels oills remiratz!

III.

Be·m parra jois qan li qerrai,
per amor Dieu, l?alberc de loing;
e s?a lieis platz, albergarai
pres de lieis, si be·m sui de loing;
adoncs parra·l parlamens fis,
qand drutz loindas er tant vezis
c?ab bels digz jauzira solatz.

IV.

Iratz e gauzens m?en partrai,
qan veirai cest?amor de loing;
mas non sai coras la veirai,
car trop son nostras terras loing;
assatz hi a portz e camis,
e per aisso no·n sui devis?
mas tot sia cum a Dieu platz!

V.

Ja mais d?amor no·m gauzirai
Si no·m gau d?est?amor de loing,
que gensor ni meillor non sai
vas nuilla part, ni pres ni loing;
tant es sos pretz verais e fis
qe lai el renc dels Sarrazis

fos eu per lieis chaitius clamatz.

VI.

Dieus qui fetz tot cant ve ni vai,
e formet cest?amor de loing,
mi don poder, que·l cor eu n?ai,
q?en breu veia l?amor de loing,
veraiamen en locs aizis,
si que la cambra e·l jardis
mi resembles totz temps palatz.

VII.

Ver ditz qui m?apella lechai
ni desiron d?amor de loing,
car nuills autre jois tant no·m plai
cum gauzimens d?amor de loing;
mas so q?eu vuoill m?es tan taïs
q?enaissi·m fadet mos pairis
q?ieu ames e non fos amatz.

VIII.

Mas so q?ieu vuoill m?es tan taïs:
toz sia mauditz lo pairis
qe·m fadet q?ieu non fos amatz!

- letto 642 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/wolf-rosenstein-8>